

DEREITOS E DEBERES DO ESTUDANTADO

O Estatuto do Estudantado Universitario

Aprobado polo Real Decreto 1792/2010, é uha norma estatal na que se recollen os dereitos e deberes do estudantado universitario.

Os dereitos

O Estatuto diferencia os dereitos comúns a todo o estudantado e os específicos para o alumnado de grao, mestrado, doutoramento, formación continua e outros estudos ofrecidos polas universidades.

Dereitos comúns a todo o estudantado

- Igualdade de oportunidades entre mulleres e homes e para o estudantado con discapacidade.
- Orientación e información antes de ingresar na universidade.
- Adquisición das competencias que correspondan aos estudos elixidos.
- A avaliación do rendemento académico responderá a criterios obxectivos e tenderá cara a avaliación continua.
- Información sobre inserción laboral e actividades de extensión universitaria.
- Conciliación do estudo coa vida laboral e familiar e recoñecemento do estudantado a tempo parcial.
- Recoñecemento académico pola participación en actividades universitarias culturais, deportivas, de representación estudantil, solidarias e de cooperación.
- Coñecemento e participación nos programas e observatorios de incorporación laboral.
- Participación nos procesos de avaliación institucional e nas Axencias de Aseguramento da Calidade Universitaria.
- Regulación dos desprazamentos do estudantado de grao, mestrado e doutoramento, outorgándolles recoñecemento académico.
- Programas específicos de mobilidade, axudas e bolsas para realizar os traxectos dos traballos fin de grao, fin de máster e prácticas externas.
- Participación en programas de bolsas e axudas.
- Recoñecemento da autoría dos traballos e de competencias ou experiencias profesionais previas.
- Intervención no deseño, seguimento e avaliación da calidade docente.
- Garantías para acudir aos tribunais de avaliación, revisións de exames e reclamacións ante órganos competentes.
- Titorías personalizadas de titulación e de asignatura.
- Prácticas académicas externas, tanto curriculares como extracurriculares, tuteladas para garantir a súa calidade.
- Coñecemento antes da apertura do prazo de matrícula dos contidos, obxectivos, metodoloxía e sistema de avaliación das materias.

DEREITOS E DEBERES DO ESTUDANTADO

O Estatuto do Estudantado Universitario

Deberes do estudantado

O estudantado universitario debe asumir o compromiso de ter una presenza activa e responsable na universidade e respectar os seus estatutos e demais normas de funcionamento. O respecto aos membros da comunidade universitaria, o adecuado uso de bens e equipos e a abstención de procedementos fraudulentos nas probas de avaliación tamén son deberes do alumnado. Ademais, o estudantado debe participar activamente nas actividades académicas que axuden a complementar a súa formación e participar de forma responsable nas actividades universitarias.

Consello de Estudantes Universitario do Estado.

O Estatuto do Estudantado Universitario crea o **Consello de Estudantes Universitario do Estado** que se configura como un órgano de deliberación, consulta e participación do estudantado ante o Ministerio de Educación. Entre as funcións do Consello encóntranse: ser interlocutor válido ante o Ministerio de Educación nos asuntos que concernen ao alumnado, a actuación dos órganos de goberno das universidades no relativo aos dereitos e deberes do estudantado, velar e fomentar a igualdade entre mulleres e homes no ámbito universitario, colaborar cos Defensores Universitarios, elevar propostas ao Goberno, coñecer os informes relacionados co mapa de titulacións e participar na fixación de criterios para a concesión de bolsas e axudas. A UDC conta cun representante neste Consello.

Máis información:

www.udc.es/sape/estudiantes udcwww.udc.es/sobreUDC/documentos

DEREITOS E DEBERES DO ESTUDANTADO

O Estatuto do Estudantado da UDC

O Estatuto do Estudantado da UDC pretende suplir as lagoas normativas do catálogo básico de dereitos e deberes existente anteriormente. O seu obxectivo prioritario é dotar o estudantado da Universidade da Coruña dunha verdadeira carta de dereitos e deberes que determine os límites e as garantías.

Os principais dereitos do alumnado da UDC son os seguintes:

- Utilizar libre e gratuítamente as instalacións da universidade.
- Avaliar xusta e obxectivamente o rendemento académico do estudantado.
- Recibir información, asesoramento e promoción no Servizo de Asesoramento e Promoción do Estudante (SAPE).
- Integrar o alumnado con discapacidade.
- Participar activa e democráticamente nos órganos de goberno da universidade, mediante a elección dos representantes do estudantado.
- Canalizar as propostas, queixas e reclamacións do alumnado perante os órganos da universidade a través dos seus representantes.
- Crear infraestruturas necesarias para o estudo cun horario máis amplo en época de exames, incluíndo neste período fins de semana e festivos.
- Facilitar a utilización do servizo de fotocopias, cafetería, restaurante ou outros que poidan crearse, nas condicións máis beneficiosas posibles.
- Potenciar e fomentar o asociacionismo estudantil e a participación, proporcionando para iso os medios necesarios.
- Crear un rexistro para a inscrición das asociacións de estudantes chamado RAE-UDC (Rexistro de Asociacións de Estudantes da Universidade da Coruña).
- Recoñecer os dereitos de reunión, manifestación e folga.
- Apoiar e asesorar o estudantado con necesidades educativas especiais, a través da Oficina de Atención á Diversidade.
- Facilitar a conciliación da vida estudantil coa laboral.
- Promover a formación práctica para complementar e desenvolver os coñecementos adquiridos nos estudos.
- Facilitar antes da apertura do prazo de matrícula de cada curso o programa de cada unha das materias, a bibliografía básica para a súa preparación, os horarios das clases teóricas e prácticas, titorías e datas de exames.
- Fomentar a mobilidade do estudantado, especialmente no Espazo Europeo de Ensino Superior.
- Posibilitar a realización de estudos universitarios de xeito simultáneo con outros xa iniciados.
- Garantir a propiedade intelectual dos traballos orixinais de carácter artístico, científico e/ou técnico que o estudantado realice no marco da súa actividade discente.

DEREITOS E DEBERES DO ESTUDANTADO

O dereito de representación

O Estatuto recoñécelle ao estudantado o dereito a participar nos órganos de goberno para promover e defender os seus intereses como colectivo universitario e participar así nos procesos de progresión e mellora da universidade. As/os representantes do estudantado son as persoas elixidas polos membros deste colectivo para representalo nos órganos colexiados de goberno da universidade que son:

- **Claustro Universitario:** 28% de representación, 84 estudantes.
- **Consello Social:** 1 representante, elixido polo Consello de Goberno.
- **Consello de Goberno:** Ata 8 estudantes elixidos de entre os representantes do Claustro Universitario polos membros deste colectivo.
- **Xunta de Facultade/Escola:** 28% de representación.
- **Consello de Departamento:** 28% de representación (dos que o 40% son estudantes de terceiro ciclo).
- **Consello de Instituto Universitario:** 28% de representación. En todos os órganos colexiados, a duración do mandato da persoa representante do estudantado é de dous anos.

O dereito de asociación

Para potenciar o asociacionismo e a participación do estudantado na vida ordinaria, o Estatuto do Estudantado nos seus artigos 15, 16, 17 e 18 proporciona o marco de desenvolvemento do dereito de asociación. Son consideradas asociacións de estudantes da Universidade da Coruña, e como tales, poden solicitar o seu recoñecemento, aquelas asociacións que se constitúan validamente conforme ás disposicións legais vixentes e conforme ao Regulamento de Asociacións de Estudantes (aprobado no Consello de Goberno o 19 de decembro de 2005), que se pode consultar en: www.udc.es/_galeria_down/sociedade/asociacionismo/regul_asoc_estud.pdf

Así mesmo, as asociacións terán que estar dadas de alta no Rexistro de Asociacións de Estudantes, creado ao abeiro do regulamento anteriormente citado. O rexistro de asociacións pertencentes á UDC pódese consultar en:

www.udc.es/_galeria_down/sociedade/asociacionismo/rae.pdf